


40040



LAUDETUR JESUS CHRISTUS AMEN.

CONFIDENTIÆ. THEOLOGICO-MORALES DE CASIBUS CONSCIENTIÆ.

In Congregatione Cleri Decanatus Foranei, propositæ
& resolutæ.

Q. 1. *Simplicius accedens ad Confessionem sacramentalem, & ignorat Orationem Dominicam, Symbolum Apostolorum, & Decalogum, an sit in peccato, & sit absolvendus?*

Q. 2. *Simplicius cum negligat culpabiliter, addiscere scitu necessaria Myſteria Fidei, an exinde pariat scandalum?*

SUMMARIUM.

1. *Ignorantia quid, & quotuplex sit?*
2. *Ignorantia quando excuset & quando non, à culpa?*
3. *Ignorantes principaliora Myſteria Fidei, non sunt absolvendi.*
4. *Scandalum quid, & quotuplex sit?*
5. *Scandalum quando sit peccatum mortale, quando veniale?*
6. *Scandalum nunquam est licitum.*
7. *Scandalum passivum quando evitandum, vel permittendum?*
8. *Scandali Acti vi circumstantia, semper in Confessione Sacramentali aperienda.*
9. *Præbent aliis scandalum, qui cum possint addiscere saltem principaliora Myſteria Fidei, ob negligentiam nesciunt ea, quæ scire obligantur.*
1. **I**gnorantiam esse rerum scibilium inscitiam, vel carentiam scientiæ, quam quis natus est habere *Ex Poliant: verb: Ignorantia.* Hanc esse vel Juris, vel Facti, vel Pænæ. *Ignorantia Juris est, quâ ignoratur jus, sive lex quid mandet, vel prohibet. Ignorantia Facti est, quâ igno-*
ratur

ratur ipsum opus, aut circumstantia. *Ignorantia pena est.* quando scit esse prohibitum, sed ignorat latam esse penam.

Item Ignorantiam aliam esse *invincibilem*, aliam *vincibilem*.

Item *vincibilem*, vel esse *affectedatam*, cum quis studiosè non vult addiscere, ut liberius peccet, vel esse *crassam*, cum quis ob maximam negligentiam nescit ea, quæ scire debet: vel esse *tenuem*, ob levem negligentiam, vel esse *Comitantem*, quia stat in affectu malo, non in opere.

2. Ignorantiam *invincibilem* excusare ab omni peccato, si-
ve sit *Juris*, si-ve *Facti*. *Vincibilem* verò *crassam* & *affecteda-*
tam non excusare à mortali. Ignorantiam *tenuem* & *co-*
mitantem excusare à mortali, non verò à veniali. *Cleric.*
Decis. Miscell. Tom. 2. Lib. 9. Decis. 2. n. 2. § 4.

3. *His prenotatis.* Resolvendus est casus sequens. *Simplici-*
us accedens ad Confessionem sacramentalem, & ignorat Ora-
tionem Dominicam, Symbolum Apostolorum, & Decalogum, an
sit in peccato, & sit absolvens? R. ad 1^{um} affirmati-
vè, ad 2^{dum} negativè. Quia quilibet Christianus te-
neretur scire, saltem quò ad substantiam Articulos sym-
boli Apostolici, Decalogi, Sacramenta, Baptismi, Eucha-
ristiæ & Penitentiae, quodsi ob negligentiam ignoret, &
ea saltem virtualiter non intendat, manere talem in pec-
cato, & non esse absolvens. Ita commun: DD. quos ci-
tat & sequitur Barbosa de Officio Parochi cap. 15. n. 4. &
5. Signanter fel rec. BENEDICTUS XIV. P. M. de Do-
ctrina Christiana annò 1742. Tom. 1. Bullar. fol. 67. §. 11.
Matrimonio jungendi non sunt, qui saltem quæ sunt
necessaria ignorant & infra §. 12. Sacerdos excipiens Con-
fessiones, fixum illud immotumq; animo semper habeat,
invalidam esse absolutionem sacramentalem, quam quis
ignoranti res necessarias, necessitate *medij* impertitur: nec
posse homines Deo per hujusmodi sacramentum recon-
ciliari, nisi prius excussa hujus ignorantiae caligine, ad
agni-

agnitionem Fidei educantur. Sedulo etiam animadvertet Confessarius, in aliud tempus reiiciendam esse Abolutionem illius, qui necessaria *necessitate Præcepti*, suò vitiò nescit. Et eò quandoq; casu Penitentem absolvi posse, quo se vincibilis huius ignorantia reum agnoscat & accuset, & intimè dolens, tum à Deo veniam precetur, tum Confessario seriò promittat, operam se impensè daturum, quâ Divinæ Gratiæ præsidio, discat necessaria *necessitate Præcepti. hucusq; verba Pontificis.* Cōtraria etiā opinio legitur damnata ab INNOCENTIO XI. in *Propositione 64. sic loquente* Abolutionis capax est homo, quantumvis laboret ignorantia Mysteriorum Fidei, & etiam si per negligentiam, etiam culpabilem nesciat Mysteria SSS. Trinitatis, & Incarnationis Domini Nostri JESU Christi.

Ad 20um Caium. *Simplicius cum negligat culpabiliter, ad discere scitu necessaria Mysteria Fidei, an exinde pariat scandalum?*

4. *Scandalum definitur.* Est dictum vel factum, vel omis-
tum, minus rectum, præbens alteri occasionem ruinæ.
S. Thomas 2. 2. qu. 43. ar. 1. Observa: Consistere scan-
dalum in verbis, vel factis minus rectis, à quibus alij
sumunt occasionem peccandi, aut etiam in omissioni-
bus, scilicet eorum, ad quæ aliquis est obligatus, v.g.
Non recitando Officium, si sit in sacris. Non audien-
do Missam & Concionem, exinde datur etiam aliis oc-
casio omittendi. *In definitione scandalì, non dicitur concu-
pitum, sicut in definitione peccati, quia ea, quæ retinentur*
ab homine interiùs in corde, non pariunt scandalum,
quod consistit tantummodò in externis. *Scandalum au-*
tem est duplex. Activum & Passivum. Scandalum Acti-
vum, consistit in illo, qui dicit aut facit rem minus re-
ctam, præbentem alijs occasionem ruinæ spiritualis, vel
dat impedimentum in Dei servitio. 42 *Scan;*

Scandalum Passivum, consistit in eo qui peccat, vel delinquit à bonis operibus motus à dictis, vel pravīs actionibus alterius. Hæc scandala aliquando simul juncta, aliquando separata sunt, simul juncta: cum quis movet alium ad malum, & iste consentit & peccat, ecce scandalum *Activum & Passivum*, separata autem sunt scandala. *Activum à passivo*, si quis inducit locium ad furtum, vel inebriandum, & locius recusat furari, vel sobrietatem amat. Est itaq; scandalum *Activum*, sine passivo.

Si quis verò ex actione alterius bona, vel indifferenti, ob suam propriam malitiam,umat occasionem peccandi, aut ob suam ignorantiam, quia tunc est scandalum passivum sine activo. Et in imo casu, dicitur scandalum *Pharisaicum*, nam Pharisei ob suam malitiam, de Doctrina Domini scandalizabantur, quod Dominus contemnendum esse dicit *Mathei 15. v. 12. ad 14.* In 2do casu, dicitur scandalum *Puillorum*, quibus opus est, reddere rationem circa ea, ob quæ scandalizantur, ut cessent ab ignorantia. Ita *S. Thom. 2. 2. d. qu. 43. art. 7. Cleric. Decis. 26. de Panit. n. 11.*

5. Porro scandalum aliquando est peccatum mortale, aliquando veniale. *Scandalum activum* per se, id est cum intentione, impellendi proximum in peccatum grave, semper est mortale, etiamsi sit per accidens, id est, sine tali intentione, quando dictum vel factum, aut omissio, est opus peccaminosum mortale. Est autem peccatum veniale, si dictum opus sit leve, & non inducat proximum, nisi ad peccatum veniale. Nam si haberet vim, impellendi illum in peccatum mortale, etiamsi opus in scandalo activo esset leve, ipsum scandalum esset peccatum mortale. v.g. De Clerico tenente Domi mulierem malæ famæ, ob quam detractiones fiunt. *S. Thom. d. qu. 43. art. 4. Cler. l. c.*

Scandalum Activum cur sit peccatum? quia est contra virtutem charitatis, quâ debemus salutem spiritualem proximi deligere, & contra Præceptum correctionis fraternæ, per quod si obligamur retrahere proximum à peccatis, multò magis prohibemur, ne illum in peccata inducamus. *Scandalum verò passivum*, si per ipsum scandalizatus, ruit in peccatum mortale, est culpa mortalis, venialis autem, si solum venialiter peccet, non enim exemplum malorum excusat eos, qui sunt illorum imitatores, à peccato, siquidem debent, non ad exempla mala attendere, sed ad Legem Divinam; ad quam observandam quilibet Christianus est obligatus, qui propterea non excusatur à culpa. *cap. Si Dominus & seq. 11. qu. 3.*

6. Hinc nullo casu licitum est aliquem inducere dictis vel factis, tacitè vel expressè ad agendum id, quod ab eo sine peccato fieri non potest. *S. Antoninus part. 2. tit. 1. cap. 9. ff. 14.* quod idem est dicere, nunquam esse licitum dare scandalum Activum. Nam *va homini illi, per quem scandalum venit Math. 18.* Ex qua veritate deducitur, non esse licitū, à malefico petere, ut maleficium maleficio solvat: nec ab Usurario, ut cum usura mutuet, nec alterum invitare ad bibendum, usq; ad ebrietatem &c.

7. Pro vitando scandalo passivo, non sunt omittenda ea, quæ sine peccato mortali omitti non possunt: Ut baptizari, Horas Can: dicere, Pœnitentiam excipere, Decimas Ecclesiæ debitas exigere, Immunitatem Ecclesiasticam defendere; & similia *cap. cum ex injuncto de novi oper. nunt:* Ita S. Thomas Canthuariensis & alii ob timorē scandali passivi jura tuarum Ecclesiarum; tueri non formidarunt, & S. Stanislaus noster Cracoviensis Antistes; in corripienda luxuria Regis Boleslai, mortem subire, per manus impiorum, non dubitârunt, siquidem utiliùs scandalum nâci permittitur, quàm veritas relinquatur *cap. 3. de Reg.*

Iur.

- Iur. cap. Nisi 10. vers. Pro gravi de Renunti: 2do.* Non sunt committenda, quæ sine peccato mortali, committi non possunt. Ut si puella stupro consentiat, ne is se ipsum interimat *cap. cum homo 23. qu. 5. cap. 1. distin. 14.*
- Sic Eleazarus gloriosissimam mortem, magis, quàm odibilem vitam, complexus fuit. 2. *Machab. 6.* ob eandem causam septem Fratres Machabæos una cum Matre, sub Antiocho Rege, legimus tormentis extinctos 2. *Machab. 7.* quod & omnes Sancti Martyres invincibiliter passi sunt.
- 3tio Pro evitando scandalo, quis committere potest, quod sine mortali peccato, committi potest, ut gestare habitum Ordini suo parum congruentem. *cap. Deus 11. de vita & honest. Cleric. & conformare se moribus eorum inter quos vivit cap. Quisquis distinct. 41. 4to.* Pro vitando scandalo potest dimitti, quod sine peccato mortali dimitti potest, ut corrigere, vel punire omnes delinquentes, si in magno numero sunt. *Cap. Latores de Cleric: excom. cap. ult. de Temp. Ordin. Cap. 2. de Cognat: spir.* Et hoc quotidie practicatur in Ecclesia in Matrimonii, cum occulto impedimento dirimente contractis, in quibus ob timorem scandali permittuntur Coniuges in eis permanere, & conceditur Dispensatio. Ut bene illa verba, *Ad evitando scandala* quæ in Literis sacre Pœnitentiariæ inseruntur, declarant, videlicet: Ne præbeatur occasio peccandi per temeraria iudicia, detractiones, odia, dissensiones, aut per imitationem mali exempli. Et hæc ad intelligentiam hujus materiæ, in Mundo frequentissimæ, de scandalo. Breviter adhuc innuendum.
8. Qui peccando dedit scandalum, sive directum, sive indirectum, aut quod idem: sive per se, sive per accidens, ut supra declaratum est, de scandalo activo, tenetur omnem circumstantiam ejusdem scandali, manifestare in Confessione, ita: ut declaret materiam, in qua datum est scandalum

dalum. Personas, tùm quò ad numerum, tùm quò ad statum, quas scandalizaverit, siue ex hoc scandalo Activo, securum sit scandalum passivum, id est: quot Personæ, passæ sunt ruinam spiritualem, & lapsæ sunt in peccatum siue non?

His necessario prænotatis. Resolvitur

9. Casus 2dus dicendo: *Simplicium illum culpab liter negligentem, addiscere Mysteria Fidei, quæ saltem principaliora scire obligatur, præbere aliis scandalum.*

Quia supposita Divisione scandali Activi, quod siue directè siue indirectè committitur. Simplicius ille omittens discere necessaria Mysteria Fidei, dat etiam aliis occasionem omittendi discere Doctrinam Christianam, & præbet scandalum: signanter quod experientia demonstrat, tempore Doctrinæ Christianæ in Templis, ubi alii pro audiendo verbo Dei, & Doctrina Christiana addiscenda congregantur, alios otiosos, stare in Foro, in cauponis, divagare per vicos, & cū moniti fuerint contemnunt, alioq; dictis & factis (*o tempora! o mores!*) retrahunt. Quod corruptæ vitæ esse indicium, & parere scandalum. De tali dicit Propheta *Psal. 35. Noluit intelligere ut bene ageret.*

Defendentur in Congregatione Cleri, Decanatus Andreoviensis, Diæcesis Cracoviensis, die Martensis July. Anno 1762. in Ecclesia Parochiali Andreovien. sub Præsidentia Decani loci, Objectionis satisfaciendo A. R. PAULO CZAPUTOWICZ Præb. & Vic. Andr.

M E M O R I A L E

Quoniam vos estis Presbyteri in populo Dei, & ex vobis pender Anima illorum, ad eloquium vestrū, corda eorū erigite *Iudith. 8.* Doctrinā magis quā aurū eligite *Prov. 9.*

Zelus & Pietas Parochorum, ut ad discendā Christianā Doctrinam, populi concurrant, notabit sequentia. imo. Non

cessent loqui, de necessitate addiscendī Christianā Doctrinā
2do. Moneantur populi, abstinere diebus Festis à negotiis
temporalibus, ut vacare possint studio, Christianæ Doctrinæ.
3to. Sollicitent corda Parentum, de præcise eorum obligati-
one instruendī Filios, & edocendī Doctrinā Christianā, seu
fatagendi, ut ad eā addiscendā vadant, & de hoc strictissimā
rationē Judici æterno, in puncto mortis, esse reddituros. 4to.
Horrentur ipsi Parentes, ut personaliter ad Ecclesiā horā Do-
ctrinæ Christianæ exponendæ accedant, ut sic eò certius &
Filii, & famuli, ad eā conveniant. 5to. Confessarij in sacra-
mentalibus Confessionibus, interrôgent homines de hujusmo-
di obligatione, nec absolvant contumaces, aut notoriè negli-
gentes. 6to. Obsecrent, ut etiam in propriis domibus, curent
Patres familias docere suos Doctrinā Christianā. 7mo. Ossen-
datur iisdem Patribus familias, excellentia Animarū, ut scit-
ant, earundē saltē tantam curā agere, quantā de bobus ha-
bent, quos in necessariis esurire non patiuntur. 8vo. Frequen-
ter legantur & declarentur Indulgentiæ concessæ docenti-
bus, & discipulis Christianā Doctrinā, ut populi ad ejus
studium accendantur 9no. Sciant Curati Animarū, hoc esse
unū ex præcipuis muneribus, de quo à Domino in die Ju-
dicij interrogabuntur: ideo nunquā cessent monere, argue-
re, & hortari populum ad hoc studium, & tali fervore discre-
to prædicent, de necessitate Doctrinæ Christianæ, ut populi
capiant, hoc maximè referre. Neq; se excusent Parochi su-
per populi pigritia, nā experientia demonstrat, sub solici-
tis Parochis, populos aliàs pigros, diligentes effectos in hoc
sancto opere Doctrinæ Christianæ.

*Attende tibi & doctrinæ, insta in illis: hoc enim faciens &
te ipsum saluum facies, & eos qui te audiunt. 1. Tim. 1. c. 4.*

CUM LICENTIA ORDINARIA.

CRACOVIAE Typ: Semi: Episc: Academico-Diæcesani A. D. 1762.



